



REPUBLIKA E KOSOVËS-REPUBLIKA KOSOVA-REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Pranimi / Dorezuar / Punijeni / Protokoll / Received / Delivery	21.09.2023	viti / god / year	2023
Organ / Njësia / Organ / Jednina / Org / Unit	6186/2023	Sasia / Kolicina / Quantity	1.1



**Republika e Kosovës**  
**Republika Kosova – Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVO**

A.nr.1066/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi-Bajraktari-kryetare, Arben Mehmeti dhe Ardita Haxhnikaj-Demi-anëtarë, me Kaltrina Avdullahi-Prenaj-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr.1066/2023 të datës 08.08.2023 të parashtruar nga ankuesja kundër Vendimit me numër Nr.309/VII/2023 të datës 26.07.2023, në çështjen juridike “kontestim konkursi”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 20.09.2023, mori këtë:

**V E N D I M**

- I. Refuzohet si e pabazuar ankesa me numër A.nr.1066/2023 e datës 08.08.2023 e parashtruar nga ankuesja**
- II. Mbetet në fuqi Vendimi me numër Nr.309/VII/2023 i datës 26.07.2023 i Njesisë së Burimeve për Menaxhimin e Burimeve Njerëzore i Ministrisë së Shëndetësisë.**

**A r s y e t i m**

Ministria e Shëndetësisë – Agjencia e Kosovës për Produkte dhe Pajisje Medicinale në bazë të Ligjit Nr.Nr.06/L-114 për Zyrtarët Publik, neni 38 paragrafi (1,2,3 dhe 4) dhe Rregullores (QRK) për Pranim dhe Karrierën në Shërbimin Civil të Republikës së Kosovës, neni 40, fillimisht më datë 06.06.2023 ka njoftuar për konkursin me numër reference Nr.ref. RN0001173, ndërsa më datë 21.06.2023 ka shpallur konkursin për lëvizje brenda kategorisë për pozitën e punës „Zyrtar i Lartë Shqyrtues” për klasën e pozitës Profesional 1, në Departamentin e Autorizimit dhe Marketingut në Agjencinë e Kosovës për Produkte dhe Pajisje Medicinale.

Në bazë të njoftimit të datës 11.07.2023 të Njesisë për Menaxhimin e Burimeve Njerëzore për verifikimit paraprak për procedurën „Lëvizje brenda kategorisë” ankuesja është përfshirë në listën e shkurtër ka fituar të drejtën e konkurrimit në këtë procedurë. Ndërsa më datë 20.07.2023 pas

zhvillimit të intervistës me Njësia për Menaxhimin e Burimeve Njerëzore ka nxjerrë njoftimin me numër Nr.01-3/2575 për renditjen përfundimtare përmes së cilit ankuesja ka nga ky proces i pranimit ka marrë gjithsejtë pesëdhjet e dy pikë (52).

Ankuesja e pakënaqur me Njoftimin me numër Nr.01-3/2575 të datës 20.07.2023 të Njesisë për Menaxhimin e Burimeve Njerëzore të Agjencis së Kosovës për produkte dhe Pajisje Medicinale, ka parashtruar ankesë pranë Komisionit të Vlerësimit për Lëvizje Brenda Kategorisë. Ndërsa më datë 26.07.2023 Komisioni Vlerësues për Lëvizje Brenda Kategorisë ka nxjerrë Vendim me numër Nr.309/VII/2023 me të cilin e ka refuzuar ankesën e ankueses, me arsyetimin se e njëjta nuk është përgjigjur saktë dhe në mënyrë profesionale në pyetjet të cilat janë parashtruar në lidhje me Udhëzimin Administrativ Nr.01/2015 Autorizimi për Marketing për produkte Medicinale edhe për kundër faktit që punon në atë departament.

Më datë 08.08.2023 ankuesja pa parashtruar ankesë me numër të protokollit 5581/2023 në Këshilli i Pavarur Mbikëqyrës për Shërbimin Civil të Kosovës, me pretendimin ankimor se Vendimi me numër Nr.309/VII/2023 i datës 26.07.2023 përmban konstatim të gabuar dhe jo të plotë të gjendjes faktike.

Këshilli i Pavarur Mbikëqyrës për Shërbimin Civil të Kosovës, konform dispozitave Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datën 09.08.2023 ankesën e ankueses e ka proceduar për përgjigje në ankesë në Agjencia e Kosovës për Produkte dhe Pajisje Medicinale. Ndërsa më datën 21.08.2023, Këshilli ka pranuar përgjigjen në ankesë me shkresat e bashkëngjitura të lëndës.

*Kolegji për Shqyrtimin dhe Vendosjen e Ankesave, ka administruar këto prova:* Ankesën me numër protokollit 5581/2023 e datës 08.08.2023 e parashtruar në Këshillin e Pavarur Mbikëqyrës për Shërbimin Civil të Kosovës; Njoftimin e datës 11.07.2023; Vendimin me numër Nr.309/VII/2023 i datës 26.07.2023; Kërkesën e datës 02.08.2023; Vendimin me numër Nr.prot.01-334 të datës 27.02.2013; Ndryshimi dhe plotësimi i aktit të emërimit me numër Nr.prot.01-745 i datës 24.04.2013; Vendim me numër Nr.prot.01-1610/1 i datës 02.08.2013; Ndryshimi dhe plotësimi i aktit të emërimit me numër Nr.prot.01-1610/2 i datës 29.08.2013; Përshkrimi i vendit të punës i datës 29.08.2013; Vendim me numër nr.141/VII/2018 i datës 17.07.2018; Vendim me numër Nr.12/1/2023 i datës 16.01.2023; Shkresë; Diplomë Nr.1367 e datës 21.03.2012; Diplomë Nr.256 e datës 01.02.2016; Certifikatë me numër 74/12 e datës 18.04.2012; Certifikatë me numër nr.B1421 e datës 18.01.2012; Licencë e punës e datës 15.01.2019; Certifikatë e datës 24.09.2014; Certifikatë; Certifikatë; Certifikatë me numër Nr.01/2-YCBPV; Certifikatë me numër Nr.AD-376/18 e datës 06.10.2018; Certifikatë; Certifikatë e datës 25.04.2009; Certifikatë; Certifikatë e datës 30.11.2007; Certifikatë 3,4 Nëntor 2006; Certifikatë; Certifikatë; Certifikatë 24.04.2010; Formulari për vlerësimin e rezultateve në punë i datës 27.01.2023; Formulari për vlerësimin e rezultateve në punë i datës 28.01.2022; Vërtetim i datës 20.06.2023; Certifikatë me numër Nr.ser.F153B423E6604BF mbi Denimet Penale e datës 22.06.2023; Kërkesë për përgjigje në ankesë e datës 09.08.2023; Përgjigje në ankesë e datës 21.08.2023; Konkurs me numër Nr.RN00011773 e datës 21.06.2023; Vendim me numër Nr.303/VII/2023 i datës 17.07.2023; Njoftim me numër Nr.01-3-2302 i datës 03.07.2023; Ndryshimi dhe plotësimi i Akt Emërimit të datës 22.06.2018 për Akt Emërim me numër AE.NR.01/2023 i datës 04.05.2023 për ; Ndryshimi dhe plotësimi i Akt



Emërimin të datës 03.03.2015 për datës 08.12.2016 për

Akt Emërimi i datës 21.12.2011 për

Akt Emërimi i

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e lëndës të parashtruara nga palët, ka konstatuar se ankesa e ankueses *është e pabazuar,*  
*sepse:*

Nga administrimi i provave materiale, Kolegji i Këshillit konstaton se Njësia për Menaxhimin e Burimeve Njërëzore e Agjencisë së Kosovës për Paisje dhe Produkte Medicinale, më datë 06.06.2023 ka publikuar konkursin me numër reference Nr.RN00011773 për lëvizje brenda kategorisë për pozitën „Zyrtar i Lartë Shqyrtues”, ku afati për aplikim ka qenë nga data 21.06.2023 deri më 29.06.2023. Në këtë konkurs ka aplikuar edhe ankuesja e cila sipas Akt Emërimin me numër Nr.01-745 të datës 24.04.2013 mbanë pozitën e punës „ Asistente Profesionale” në Divizionin e Produkteve Medicinale Herbale pranë Departmentit për Autorizim Marketingut, ndërsa me rastin e përfundimit të procedurës Komisioni i Vlerësimit për Lëvizje Brenda Kategorisë ka bërë vlerësimin e kandidatëve në këtë proces dhe në bazë të njoftimit me numër Nr.01-3-2575 për renditjen përfundimtare të kandidatëve ankuesja është vlerësuar me gjithsejtë pesëdhjetë e dy (52) pikë dhe është renditur e dyta ndërsa kandidati është vlerësuar me pesëdhjetë e katër pikë katërdhjetë (54.40) pikë dhe është renditur i pari.

Në bazë të konkursit me numër reference Nr.RN00011773 të datës 21.06.2023 për lëvizje brenda kategorisë për pozitën „Zyrtar i Lartë Shqyrtues” në Departmentin e Autorizim Marketingut të Agjencisë së Kosovës për Produkte dhe Pajisje Medicinale kërkesat e përgjithshme formale kanë qenë:

Arsimi i kërkuar: „Diplomë e arsimit të lartë më së paku 3 vite të studimeve. Diplomë e arsimit të Lartë të studimeve. Diplomë në Farmaci, Kimi ose Biologji”.

Kualifikimet të posaçme formale: „Certifikata, licenca kur kërkohen me legjislacionin në fuqi apo kur vlerësohet se janë të nevojshme për pozitat e kësaj klase”.

Përvoja e punës e kërkuar: “Së paku dy (2) vite përvojë pune në fushën për të cilën zhvillohet procedura për plotësimin e pozitës së lirë të punës”.

Në kuptim të vendosjes meritore lidhur me këtë çështje juridiko-administrative, Kolegji i Këshillit, i'u referua dispozitave të Ligjit Nr.06/L-114 për Zyrtarët Publikë përkitazi me procedurën e rekrutimit të lartcekur, gjegjësisht Kolegji analizoj:

Nenin 38 paragrafin 1 dhe 2, me të cilin është përcaktuar se: “1. Plotësimi i pozitave të lira në kategorinë profesionale, të ulët dhe të mesme drejtuese, bëhet së pari nga nëpunësit civilë të së njëjtës kategori, nëpërmjet procedurës së lëvizjes brenda kategorisë. 2. Nëpunësit civilë të së njëjtës kategori në kuadër të Shërbimit Civil, që i plotësojnë kushtet për lëvizjen brenda kategorisë dhe kërkesat e posaçme për vendin e lirë, mund të aplikojnë për plotësimin e një vendi të lirë, nëpërmjet procedurës së lëvizjes, sipas paragrafit 1 të këtij neni”, gjithashtu edhe paragrafin 5 dhe 6 ku përcaktohet se: “5. Vlerësimi i kandidatëve të interesuar kryhet nga një komision vlerësimi, i krijuar në çdo institucion, bazuar në një intervistë me kandidatët. Komision përbëhet nga pesë anëtarë, njëri nga të cilët është domosdo përfaqësues i Njesisë së Burimeve Njërëzore të institucionit. 6. Në përfundim të vlerësimit, Komisioni mund të vendosë: 6.1. përzgjedhjen e kandidatit më të suksesshëm për t'u emëruar në vendin e lirë, apo; 6.2. përfundimin e procedurës, pa asnjë të përzgjedhur, në rast se asnjë nga kandidatët e interesuar nuk vlerësohet i suksesshëm për atë vend të lirë të punës.”.

Po ashtu Kolegji i Këshillit ju referua dispozitave të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, përkatësisht:

Nenit 44 paragrafi 1 dhe 2, me të cilin është përcaktuar se: *"1.Konkurimi për lëvizjen brenda kategorisë zhvillohet në dy faza: 1.1. verifikimi paraprak i kandidatëve; dhe 1.2. vlerësimi i kandidatëve. 2.Verifikimi paraprak kryhet nga NJBNJ, ndërsa vlerësimi i kandidatëve kryhet nga Komisioni i Vlerësimit për lëvizjen brenda kategorisë, krijuar sipas nenit 47 të kësaj Rregulloreje"*

Nenit 45 paragrafit 1, 2 dhe 3, me të cilin është përcaktuar se: *"1.Verifikimi paraprak është procesi i verifikimit nëse kandidati plotëson kushtet për lëvizjen brenda kategorisë dhe kërkesat e veçanta për pozitën e lirë për të cilën konkurohet. 2.Verifikimi paraprak kryhet nga NJBNJ. 3.Në përfundim të verifikimit paraprak NJBNJ përcakton kandidatët që plotësojnë kushtet për lëvizjen brenda kategorisë dhe kërkesat e veçanta për pozitën e lire. Vetëm këta kandidatë kanë të drejtë të vazhdojnë më tej konkurimin"*.

Nenit 47 paragrafin 1, 2, 3 dhe 4, me të cilin përcaktohet se: *"1.KVLBK zhvillon një intervistë me gojë me kandidatët. 2.Nëpërmjet interviostës, KVLBK vlerëson jetëshkrimin/CV, njohuritë, aftësitë apo cilësitë e kërkuara për pozitën e punës për të cilën zhvillohet konkurimi. 3.KVLBK përgatit përpara fillimit të intervistës një grup pyetjesh. Intervista që zhvillohet është e strukturuar dhe me pyetje të njëjta për të gjithë kandidatët e cila përgatitet në ditën e zhvillimit të interviostës.. 4.Vlerësimi maksimal në intervistën me gojë është njëqind (100) pike"*.

Nenit 48 paragrafin 1 dhe 2, me të cilin përcaktohet se: *"...Pikët e çdo anëtari për çdo vlerësim mbliidhen dhe pjesëtohen me pesë. 2.Në përfundim të fazës të vlerësimit, pikët e përfituara nga secili kandidat në secilën nga hapat e vlerësimit, mbliidhen dhe shuma e pikëve për të gjithë hapat e vlerësimit përbën vlerësimin përfundimtar të konkurimit"*.

Nenit 49 paragrafin 1, 2 dhe 3, me të cilin përcaktohet se: *"1.KVLB në përfundim të fazës së vlerësimit të kandidatëve, harton dhe miraton një listë me vlerësimet përfundimtare të të gjithë kandidatëve. Kandidatët renditen në listë sipas rezultatit të vlerësimit përfundimtar në rendin zbritës. Lista i dërgohet Njësisë Përgjegjëse brenda njëzetë e katër (24) orëve nga miratimi i saj. 2.Kandidati që është vlerësuar me më shumë pikë dhe që ka marrë të paktën gjashtëdhjetë (60) pikë është kandidati fitues dhe ka të drejtën të emërohet në pozitën e lirë për të cilën është zhvilluar konkurimi. 3.Nëse asnjë nga kandidatët nuk është vlerësuar me gjashtëdhjetë 60 e më shumë pikë, procedura e lëvizjes brenda kategorisë përfundon pa kandidat fitues". Andaj mbi këtë bazë, Kolegji i Këshillit konstaton se Komisioni për Vlerësimin e procedurës së rekrutimit për Lëvizje Brenda Kategorisë, vlerësimin e intervistës me gojë për kandidatët të cilët kanë marrë pjesë në këtë proces e ka bërë në pajtim me dispozitat e lartëcekura e që rrjedhimisht ankuesja nga komisioni është vlerësuar me pesëdhjetë e dy (52) pikë, në këtë rast referuar dispozitave të lartë cekura ankuesja nuk ka arritur pikët e mjaftueshme prej gjashtëdhjetë (60) pikë për tu emëruar në pozitën „ Zyrtar i Lartë Shqyrtues“, kështu që edhe pretendimi ankimor i ankueses se e njëjta nuk është vlerësuar në mënyrë të drejtë nga ana e Komisionit Vlerësues është pretendim i pa bazuar.*

Lidhur me ligjshmërinë e Vendimit me numër Nr.309/VII/2023 të datës 26.07.2023 të Komisionit Vlerësues për Lëvizje Brenda Kategorisë në Agjencinë e Kosovës për Produkte dhe Pajisje Medicinale, Kolegji i Këshillit, konstaton se ky Vendim është nxjerrë në pajtim me nenin 50 paragrafin 2 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, si dhe në pajtim me nenin 47 dhe nenin 48 të Ligjit Nr.05/L-031 për

Procedurën e Përgjithshme Administrative, kështu që të gjitha pretendimet ankimore të ankueses janë të pabazuara.

Duke marrë parasysh të gjitha shkresat e lëndës dhe provat e bashkëngjitura në lëndë, Kolegji për Shqyrtimin dhe Vendosjen e Ankesave, bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**Lënda me numër A.nr.1066/2023**

Kaltrina Avdullahi-Prenaj

  
Zyrtare e Lartë për Bashkëpunim Profesional

Malsore GASHI-BAJRAKTARI

  
Kryetare e Kolegjit



**Vendimi i dërgohet:**

- Ankueses
- Njësisë së Burimeve Njerëzore në Agjencinë e Kosovës për Produkte dhe Pajisje Medicinale dhe
- Arkivit të KPMSHCK-së.

